




1820






洪北江詩文集


一八

Centimetres **TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black







更生齋詩卷第四

陽湖洪亮吉著

滬濱消寒集

題孫文學韶行卷後卽送至浙江幕府

江左詞人最擅場卷中亦復唱伊涼通天臺下曾三過

怪底新篇壓沈郎

怨李恩牛意氣真罪言草罷見經綸能容一個真名士

足抵孤寒八百人

重修水繪園卷子爲冒文學鳴作

記曾彌勒與同龕

園中廢爲僧舍近始復

小劫誰從靜後參檢點

樓臺及魚鳥風光依舊壓江南

人物當年勝永和時時觴詠雜笙歌更闌偶向樓頭望  
天上星無座客多

雙鬢愁同萬樹凋閒窓話舊雨瀟瀟萊田是處連滄海  
門外時時起怒潮

雲郎去後小楊枝檀板都吟絕妙詞只有夜烏還記得  
冒家園裏放燈時

蔣斗燦童養媳呂貞女題詞

烏乎何辜貞女生不見父兮童養于蔣又不及見姑然  
貞女之幸兮曾未結縡而已得數面其夫何貞女之遇  
屯兮守義二十五年而尙未及撫孤我聞而心惻兮感  
外氏之衰徂緬前孫從表兄定安聘妻孫氏亦未嫁守貞年過五十卒而後呂

兮顧兩見夫貞妹倘貞女而有後兮吾將代郵夫遺雛  
生日自述

今朝柴門開親故忽羣集云將壽先生共向草堂揖我  
聞方猛悟答禮恐不及回頭語山妻治具爾須急嬌兒  
與孫子禮數未嫻習賓來盡歡喜傳語競出入先看具  
杯茗繼復羅酒汁仍愁翁欲醉預向膝前立長孫纔毀  
齒口語已捷給私語更五年阿翁剛六十

偶成

閒從里巷說新事卧聽兒孫讀故書不必更携芒屨出  
閉門紅日下階除

喜張上舍舟過訪口占以贈

五回會領江淮運

君祖有衛籍會  
簽運糧艘五年

兩度同招楚蜀魂甲

書沅毛州守大瀛與君最  
善今先後歿于

王事

赤米白鹽家已破朱旗元甲

陣猶屯多愁自覺新詩少老友今餘幾輩存話到十三

年上事渚梅零落野雲昏

辛酉年新正在漢陽  
三山徑訪梅握別

黃主事丕烈祭書圖

古人飲食必祭始何以讀書則不然致身通顯不知報

是爲飲水忘其源先生規例實陳例拜庚子日尊文宣

陳書萬卷復千卷燭炬如榿香如椽書神報君亦孔厚

往往獲一珍珠船宋元精塹本幾條尤喜篇幅皆完全

先生嗜此若性命快意不惜千金捐搜羅書目所未採

中興館閣明文淵樓名傳是閣天一嗜好亦恐無君專

就中精本祕不傳緘以篋笥承之瓊偶逢識者一啓示

先掃几席除葷羶何應寒具致污軸千載以上嗤桓元

君家舍宇本精潔又少俗客相糾纏焚香偶復展一卷

眼與明月光同圓君不見時逢朔望列一筵不必牢豕

須新鮮胥谿菱芡石湖藕一一皆可成加籩書田雅與

穀田等報賽或可祈豐年我曾借本細讐校例得陪祭

來筵前虔誠拜罷共飲福一醉欲乞書倉眼

九月十三日越來谿見燕

寂寞漁莊欵水扉越來谿上月微微何因燕子不歸去

却向夜涼庭院飛

自吳松江抵上海與友人夜話

吳淞江上路乘月去迢迢海氣全疑雨天風不捲潮夢  
餘頻悵望雲外偶招邀及此燒紅燭層樓已半宵

唐大令仲冕招飲網師園卽席賦贈

纔從識面便忘形飯我城東水上亭老友瘦真同野雀

謂王廣文殘荷多尙比天星百身未易酬恩遇時生

伊犁釋一石偏教吐性靈歸去且營耕釣好得閒隴畔

便橫經

偶成爲陳太守廷慶賦

一幅蠻牋任屈伸半鉤新月倍精神關心幽鳥能窺客  
過眼空花不惹塵雲影去來傷往事水光搖蕩識前身  
悲秋宋玉支離甚况復登臨送遠人

過盡三春爛漫時九秋籬落訂交遲來猶背面誰曾見  
去不同頭事可知海上早應隨范蠡洛中枉自賦陳思  
黃庭一卷香千縷半欲銷魂半自持

顏魯公名印歌

一方石千餘年魯公名誰所鐫海中按龍刷龍骨更點  
星星老蛟血地老天荒丹不滅君不見公名怪底天子  
驚河北二十四郡僅一顏真卿

哭蔣二尹齊耀

萬里歸來訪病身劇憐面目已非真余自伊犁歸訪

心疾北隴眉客懸腕書同透爪人兩度悼亡形轉悴一

官瀕死志難伸東山絲竹銷沉盡垂老羊曇益愴神少

受侍御舅氏知每過  
居第未嘗不揮淚也

偶成

萬念俱空後寥寥酒易醒未能離世網聊展度人經路  
暗燈明壑窳疎劍指星書生爾何意空自逞心靈

石湖訪范文穆祠分賦得石字

茲遊日已斜霞采疊蒼赤携茲書畫舫償我山水癖舟  
行十餘里心境一開釋杉藤凌澗紫鷗鷺點波白濛濛  
湖一曲落落嶺千尺非無懷古意風捲渺無迹危登開  
士閣幽轉范公宅利即文穆舊宅斯人預機軸時事已逼窄終  
焉感滄乘渺爾念疇昔憂時識希文蹈海憶少伯遭逢  
遠伊管隱顯並賢哲丈夫如有志于世匪無益庶幾不

朽名勒此崖上石

夢遊仙詩三十二首

屢讖瑤池鬢已蒼偶從天半話滄乘轆轤幸是仙人躡  
踏盡紅雲到上方

科頭跣足任天真隨分燒香拜紫宸卻喜近來蕭散甚  
蓬壺管領謫仙人

生世應居離恨天愛從生後說生前銅仙又復垂鉛淚  
會面居然五百年

白雲紅葉影參差欲向前頭訪素知拖得月華裙半幅  
却來波面立多時

誰從天上號詞宗淡寫新篇墨不濃一朶絳雲環一字

笑他人世碧紗籠

尋常每夜不呼燈却坐雲窻第二層一卷道書時背誦

惜無人與證飛昇

下弦殘月訂幽盟青鳥傳來誤已成幸有玉妃來世約

眼波回處定三生

慣拈針線作生涯剪得靈河一道斜認取近來花樣好

青城雲氣赤城霞

我識飛仙萼綠華最憐秋鬢挿春花天田亦種人間果

一味香清愛木瓜

繞砌菖蒲倚閣松仙人眠處五雲濃夢回報道高真過

先鎖閑門十二重

出世情懷絕世姿冥濛香氣散如絲紅雲一瓣邀同坐

竒福難消是此時

紫府新來品秩高隨風上下騁輕軺磨厓五岳都應徧

且復題名北斗杓

屈曲房櫳宛轉風一樓疑復住虛空盡驅雞犬雲中去

獨敞銀屏待八公

心思一串最瓏玲更有長鎗射眼青欲筭人間未來事

滿盤珠借滿天星

挈伴時來阿母家采蓮艇子住雙娃神仙一例嬌羞甚

不折天池並蒂花

幽居隨處費提防忽報飛星已入房親到下方緣底事

借將弧矢禦天狼

生來不假麝蘭薰坐處偏離粉黛羣欲灑天山萬年雪  
罩他巫嶺不生雲

住近天河水氣涼萬株荷幹一方塘蓮花蓮葉都嘗徧  
不及仙人舌本香

欲逃百劫避羣魔天上誰知事更多斲斷玉虹橋百尺  
神仙從此絕經過

桂樹扶疎月影涼漫無情緒守吳剛靈山採藥他年事  
先與栽成出世裘

雲漢西頭路幾叉浮家真欲擬乘槎兩三紅淚揮天末  
都作人間異種花

早住扶桑暮落棠仙人遊戲本無方忽然招手來天外  
認得麻姑拈爪長

雲駟一步一徘徊不分前途分手來啖得荔枝三百顆  
此時應向海南回

日月雙丸剩半丸東西海水亦齊乾仙人一笑春風轉  
萬劫偷從祕籍看

王母池邊踏月回羣花如影不會開何應三百神仙侶  
總學劉禎平視來

巧笑仍含一種愁見人常自不梳頭朝來偶凭闌干望  
自有神光照九州

高居豈復有塵情魔境應從道境生惹得龍華先罷會

人間飛語謗雙成

要從南粵達南閩天漢東頭與問津十度錦箋何處寄  
倩他三百六魚鱗

多應清福不曾修逐浪來居羅刹洲莫歎姻緣簿多錯  
天孫亦復嫁牽牛

朝正儀從最輝煌龍虎前頭列隊忙騎得鳳凰拳一足  
笑他六六紫妃央

銜車晨夕響如雷結屋星辰頂上來卻約下方人未到  
天門一日走千回

日正斜時月乍圓紅林處處露珠懸洪厓洞古誰能訪  
只有修真謝自然

趙兵備翼以所撰唐宋金七家詩話見示率跋三首

一事皆須持論平古人非重我非輕編成七輩三朝集  
好到千秋萬世名未免尊唐祧魏晉欲將自節例元明  
塵羹土飯真拋卻獨向毫端抉性情

詩家別集已成林一一披沙與檢金作者衆憐傳者少  
前無古更後無今法家例可平心斷大府文非刺骨深  
卷卷漫從空處想就中多有指南鍼

名流少壯氣難馴老去應知識力真七十五年纔定論  
一千餘載幾傳人殺青自可緣陳例初白差難踵後塵

君意欲以查初白配作八家余固止之只我更饒懷古癖溯源先欲到周  
秦余時亦作北江詩話第  
一卷泛論自屈宋起

附和作

趙翼武進

詞客低昂本不平，題間弄腐毫輕但消白。首無聊  
日豈附青雲，不朽名老始識途。輪早見貧堪鑿壁，借  
餘明洪崖，拍手從旁笑。猶是燈窗未了情，  
何限紛紛著作林。揀來只剩幾銖金，論人且復先觀  
我。愛古仍須不薄今，耳食爭誇談娓娓。鼻參誰候息  
深深，錦機恐負遺山老。枉度鴛鴦舊繡針，  
晚知甘苦擇言駟。一代風騷自有真，毫學我悲垂盡  
歲大名君已必傳。人幸同禪窟，參三昧不笑元關隔。  
一塵從此國門縣，呂覽聽他辨舌騁。儀秦

偶成

愁多久已置形骸

思重終須異輩齊，長慶集仍舍

諷諭東方論，敢雜詼諧銷兵乍喜流。亡返橫潦仍嫌變  
理乖，何自近來恒斷肉。安貧聊學太常齋。

汪庶子學金以捉月圖屬題戲成三言詩一首

天上月地上人煙茫茫隔十塵，隔十塵欲捉月馳風輪。  
風輪遲月輪快不得已，及天外隔十塵欲捉月轉地輪。  
月輪寬地輪小不得已，出天表隔十塵欲捉月借日輪。  
日輪紅月輪白不得已，兩相食上弦月捉不得彎如弓。  
向人射下弦月捉不來，愁如眉慘不開十二三十五六  
圓疑環白疑玉，玉與環難把握。醉中客總不知時呼月，  
一問之蓬萊山作糟邱，捉不得卽拍浮滄溟水作醇酒。

捉不得卽濡首排千觴列百樽我欲起爲解紛仰明月  
呼先生爲詩伯爲星精時或醉時或醒酒星暗蟾月明  
啓明落長庚橫萬萬古傍月行

曇陽仙觀題壁

生天成佛事皆真二百年來記昔因化雀人歸寃已剖

釣鼈客到觀重新

觀爲州守鼈圖新建

蟲魚篆尙留遺跡麟鳳洲

先謁後塵

王鳳洲兄弟首先稱弟子

畢竟傳疑由弟子曇鸞枉說化

前身

鳳洲作曇陽仙師傳未後說師爲曇鸞師後身以致人疑

題明姜黃門執圃諫草樓二圖

折檻朱雲氣已粗時艱不敢作身圖愚忠自欲回天地  
臣罪原難保髮膚滄海變來留隙壤危樓築處傍浮屠

敬亭山下春蕪滿月黑愁聞杜宇呼

吳梅村祠題壁

寂寞城南土一邱桮梅零落水雲愁生無木石填滄海

死有祠堂傍弁州同谷七歌才愈老

集中有避難仿杜七歌

林陵

一曲淚俱流興亡忍話前朝事江總歸來已白頭

題王應宸太守洞庭泛月卷子

修月八千戶常居天上頭釣湖三萬艘亦趁水東流我

覺飛仙好時陪帝子遊宵涼亦何事嘯起岳陽樓

苦愛蓬心叟煙雲筆底濃冥濛舟似蟻活潑水如龍欲

到三層閣仍携九節筇天風忽然遞嶽麓寺前鐘

又歲寒宴坐圖

不知門外路爾許雪霜深客念此時寂鐘聲昨夜沉  
然忘世味渺爾豁幽襟在在都無著空明此夜心  
如公能幾輩未許卧蓬蒿終爲蒼生起應知素望高志  
猶營宇宙跡暫脫塵囂卽此坐忘處天風響海濤

題扇贈汪童子元齋

昌黎已序張童子魏國先知貞半千他日蓬萊問家世

童子祖父已三世詞館

四傳應號小神仙

吳舫卽事

杜曲城南記最真繁華悟後始尋春蘭香仙去秋孃老  
零落尊前見此人

水明樓上會羣芳屑玉研珠費較量折得一枝紅芍藥

鏡臺先欲贈花王

別友

謫下蓬萊又幾春形骸疑假復疑真天荒地老重相見  
君是前身我後身

意外相逢是昨宵可憐知復在明朝十三夜月難連曉  
魂斷溪南長短橋

消寒第一會萬大令承紀招集吳舫聽寧福校書彈胡

琵琶爲賦長句

時長至前一日

金閨城外人煙密琵琶一聲萬聲絕萬聲縱沸亦不聞  
琵琶聲高壓四鄰夕陽欲滅猶未滅喚出團團海邊月  
北風吹潮海上來怪響迸入蛟龍堆繁弦促節手不管

似有玉虬纏玉腕神明矩度心不關金鳳獨翔金指環  
一聲舒遲一聲疾霹靂出山天乍裂大絃展拓么絃收  
雲霞鋪空地欲浮欲完未完聲一束直立琵琶若鼇足  
我行昆崙葱嶺二萬里青氣漫漫障天起非無胡琵琶  
拉雜彈不已妖姬十五如山魑十指漆黑聲啾嘈招來  
區脫彈數曲帳外似虎天風號烏孫戍客何曾久意外  
生還感高厚禽巢南枝獸邱首百里遊行畏讒口蒲帆  
無風向東走忽復遭逢數良友烹龍烹鳳爲我壽更拉  
琵琶佐樽酒金戈鐵馬音鏗鏘奔崖裂石詞激昂玉門  
關前天雨霜天馬欲走蹄先僵天山界晝陰與陽日月  
影碍冰碾碾曲終四坐慨以慷似識遷客曾投荒我爲

琵琶歌行酒復食炙商婦當年已衰謝何似茲樓起聲  
價雲英翩翩未經嫁拜起尊前貌閑暇當時樂天淚墮  
琵琶下我調時平遷謫何足訝况復經時卽蒙赦南冠  
初除囚服卸席地幕天無所藉三百六日擇此最長夜  
金烏玉兔光激射二十八星環水榭君不見樽前情淚  
何能灑百歲浮生亦虛假胷中之竒誰識者出戶茫茫  
眺原野有淚或向銅仙瀉

消寒第二會汪庶子學金趣圓座上追賦嘉慶戊午四  
月編輯婁東詩派成爲諸詩老設供建水陸道場用  
瑜伽薦度法并考生平行詣分上中下三壇別設闈  
秀一壇七日乃竣分賦得栢梁體一首

玲瓏水上飛千燈東海壁月同時升佛香妙處繙大乘  
掃屋更結壇三層一壇別設列采繪雲鬢飛入皆鬚鬢  
天人丰格不敢譏淨名居士智力宏佐以百六高功僧  
婁東詞客繁名併恒河沙數量不勝詩編大小束以組  
平生慧業此可徵魂魄化去心神凝光采尙若燔薪蒸  
靈車鬼馬空際騰一一彼岸祈同登否亦尙冀天衢昇  
仙人心空鑒亦激品第甲乙復經中理改定品第甲乙殊兢兢空中  
垂問空中膺忠如龍比孝閔曾陳雷朱范篤友朋賈彪  
郭泰偕李膺柱世風骨真稜稜就中節義尤所矜生可  
模楷没豆登列上上乘皆曰應其餘稍或寓勸懲亦不  
以愛不以憎原心略迹目匪曹大邦齊魯小杞鄆州蓼

隨綬邾薛滕次等亦復難加增灌夫罵坐肆轢較樓護  
結客多依馮冑中鱗甲手葛藤甚或遇事全模稜諫垣  
瑟縮唾凍蠅酷吏伎猛同蒼鷹亡身破家刺史澄降胡  
負漢都尉陵品刻下下無能陞知人論世最足憑不以  
文筆相誇凌大弦稍緩幺絃拒筆法直似朱絲繩定論  
無用參疑丞此邦前代尤峻嶒後先七子稱代興兩王  
荆石相國 龔洲尚書事業世所稱各有祠廟羅肴胥廸功集若雲  
霞烝日觀曦鳳天池鵬梅村祭酒緒復承此道亦屬三  
折肱歷年二百留雲初流光疾若矢射珊瑚邪太原壇  
坵仍品題直到驢與騾語簡而當爭鈔謄我于彼法習  
未曾服此論斷非僂僂忠賢奸佞各列棚竟若二水分

淄澠學仙學佛縱不能何必苦判溝與陸山雲欲凍海  
欲冰萬丈雪霰愁難麥歸衰幸有十束綾敬錄一本隨  
行勝

消寒第三會王孝廉履荃胡明經金誥邀遊樂郊園因

出婁東十老圖索題

十老爲王育字石隱年八十陸羲賓字素朴年七十

一宋龍字子猶年六十四郁法字儀臣年六十五顧

士璉字殷重年六十四盛敬字聖傳年六十二陸世

儀字道威年六十一江士韶字虞九年六十陳瑚字

言夏年五十九王撰字異公年五十皆婁上明末隱

君子也

十人慘慘荒江溇時歌時哭天爲陰朝無食案夜乏衾  
尙披朱履行空林沈思古昔淚雨淋往者不作何況今  
魯連旣向滄海蹈屈子又復湘江沉田光刎頸萇宏施  
漸離矐目豫讓瘖吹簫吳市亦時有擊鼓河岸誰能尋  
寰中止剩伯倫鍾海上自拊成連琴龔生未授新祭酒  
伏勝尙屬秦儒林以之相較盡不愧餘子未足披深襟  
歸迂顧怪在咫尺庶可與爾稱同心

消寒第四會注刺史廷昉座上賦南園古梅歌梅爲前

明王文肅公手植名一隻瘦雀

一隻鳳去不同一隻雀翩然來城北卽雙鳳鎮翩然下啄莓與

苔渺爾化作羅浮梅羅浮仙夢何時醒幻作梅花尙朱

頂三生落落出世姿七尺亭亭照波影不飛不鳴作高  
 格四出枝猶排逸翮亭空月冷露欲零仙客欲騎騎不  
 得百餘年來丁令威游戲倘復時來歸人民城郭縱非  
 是尙認一樹衝寒開幽人幾日園南住香氣橫飛海東  
 路滄溟今已作桑田婁河口今登長海沙遂至淤塞此樹應須憬然悟  
 園林之主先後殊昔者太保今尙書南園近爲畢秋帆尙書購得以居甥  
 沈懋圍棋賭墅偶然得瘦骨尙欲凌高林研薌居士開  
 寶閣邀客詠梅如詠雀長身安得居樊籠復恐化雀飛  
 橫空

消寒第五集田大令鈞邀集官廨卽爲題荆樹山房圖

卷子

荆樹山房爲大令六世祖明萍鄉令所建嘉慶

三年錢唐黃司馬易爲補圖

田家集在何處門前清濟會濁河百世流傳紫荆樹紫  
 荆樹老花愈多四出不復分枝柯尋根既悟一本義攀  
 樹時作同心歌我願兄弟心化作此樹陰祥風甘雨萃  
 一林三冬三夏不使嚴霜烈日交相侵仍願手足誼化  
 作此花蒂千枝百枝同一氣花葉雖繁枝不替李家花  
 萼樓馮家棠棣碑不及君家此樹好顏色千古萬古名  
 猶垂山房三間下有池容易得值花開時花前盈盈酒  
 滿卮旣不識尺布斗粟三字辭亦不聽然其煮豆七步  
 詩君家此樹真堪愛大令逮君剛六代一門草木皆異

常茅苜不吟諉樹背龔梧生黃小松爲君作圖作記皆  
極工君不見紫荊花花色異絕愛君家好昆季六世相  
傳幾循吏更覓甘棠栽隙地

消寒第六會汪公子彥國招集復初齋觀王石谷繪山

水直幅

畫係石谷贈公子七世祖明處士  
汪溥亦工畫爲婁東第一手

我行徧天下却愛黔中山黔中山勢盡壁立出地萬仞  
無彎環南峰升雲北峰月畫裏溪山亦奇絕靈泉破空  
山石裂飛出千年萬年雪崖窮路古林光倩斷壑奔灘  
鬼神現林花對客纔一笑山鳥窺人剛半面洞門怪響  
七尺筇奇古似是商山翁商山翁居海曲得意時歌復  
時哭地老天荒一間屋滄浪之水清濯足鳴鳩鷓茲與

同浴放艇時來玉峰麓森然非松亦非竹植立門前聞  
剝啄主人開戶喜不速邀坐茅檐背同曝忽然一筆寫  
不足肌膚如山骨如玉狂叫自呼王石谷我題此畫亦  
非偶二百年前倘良友畫中蕭疎兩閒叟著罷枯棊偶  
垂手瞥見洪崖拍肩否

王石谷自題有  
洪崖拍肩之語

山中古洞如敲

杯

消寒第七集唐明府仲冕招集吳縣倉廨觀唐六如畫

馬

唐生畫馬如畫崔仙骨稜稜難捉摸不識人間有羈絡  
唐生畫馬如畫人霞采奕奕光瞳神氣軼天半心難馴

唐生本是神仙謫畫馬亦與龍麟匹眼空千里萬里程  
一點飛從草頭黑蹄高四尺尾徑尺全力都從尾間出  
頭荷背腹髮踉膝大氣回環如一筆蠻靴烏帽衫落拓  
此客我疑孫伯樂不然何以神采飛騰氣磅礴我曾行  
經大宛兼烏孫枕戈萬里求絕塵生還豈意復相值雪  
夜對此開芳樽六如畫品陶山詩落筆往往饒精思前  
生不是趙承旨或者卽爲李伯時君不見旋頭星尙照  
巴蜀眼急捷書來不速十萬驛駒競馳逐饑火燒心尾  
毛禿何如此馬真有福飛行限以尺一幅低首且食太  
倉粟

消寒第八集孫兵脩星衍邀同人泛舟至永昌鎮訪孫

武大家率成四首

初日甫欲升照我出東郭巫門已迷離何況冢廓落言  
尋永昌鎮十里路初拓英雄骨未朽其上已耕鑿雖然  
巢冢鵲鷹隼不敢搏繼罷越絕書酸風下懸閣

伍胥貢竒士本欲爲國謀寥寥一寸心亦報身家讎要  
離與專諸拒與公等儔蕭蕭吳宮中頭血五步流遂令  
姑胥臺濃春倏成秋平原不知兵亦斬笑者頭

生齋而仕吳位視客卿例如何蓋世才乃用作兒戲兵  
鋒纔一試已取郢郢地嗟嗟甬東叟不及盡竒計至今

十三篇海內悉衣被

荒墳極十頂上有柏樹根高碑止留跌文字已不存茫

茫今古殊地尙名孫墩百步絕采樵沒世若有神千年  
倚思鄉魂登望齊門

消寒第九集臘八日李廉使廷敬招同人至虎阜憇梅

花書屋看黃梅作

十步巨一閣五步橫一臺藐始仙人尙未來風信先已  
催黃梅門開稜稜石千尺徑險最宜雙蠟屐小樓開處  
三面花花下屋古如浮槎闌干東西屋前後不及捲簾  
香已透紅紅白白不並時南枝比枝開故遲維餘寒影  
互激射凍蕈落葉光參差黃蜂千頭綴枝冷只惜南園  
蝶無影紇千山雀時一雙噪得遊人發深警日當臘八  
月上弦樓上兩兩排華筵飲中八客疑八仙

是日同在  
詞館者共

有人不飲我欲花前眠花光旣分飛燈影亦交錯君不  
見談深不覺冬日促幾樹夕陽黃不落

古會晤詞

回頭卽相思對面忽無語妾身雖堅貞妾意已相許妾  
如團欒月無缺儂似曉星常逐月升天入地影不離何  
必更判雲與泥

古談別詞

紫騮不曾歸青驄不曾去同行複道中意外復相遇黃  
梅一株香未折花底忍寒來訣別暗影朦朧啓北扉嚴  
霜正白城頭月

邗溪步月

空外月華直幽人此際來寒梅三兩樹並影一齊開  
臘月十九日卷施閣邀同人爲宋蘇文忠公生日設祀

作

東坡謫南海我謫西海頭東坡更三歲尙未離儋州我  
頃荷戈來僅止三月留我歸正值黃流漲海外竒花未  
全放天山六月汗不流冰雪千層萬層障塌來半載荒  
江泚一念感恩先欲死江田時陸復時沉自歎浮  
生亦如此年殘百事如蝟毛歲未全稔民仍勞憶公更  
憶初度日置酒遠復邀朋曹初陽離離開竹屋黃白種  
梅香乍馥遠行萬里今甫歸濯足卷施一隅谷君不見  
坐中七客鬢皆斑難得人間歲亦閒同獻樽前一杯酒

祝公生日我生還

凌同年廷堪以其族曾祖明侍御遺札屬題率賦

一首

一紙留遺墨千秋識盡臣更因懸腕疾彌覺剖心真臣  
節終橫草朝端尙厝薪傷心江總輩文采竟亡陳

借月歌爲借月主人賦

出門卽看山閉門卽抱膝上人于世何所需祇借天空  
一瓢月有時欲閒吟一瓢月在心空濛百斛光先與祛  
煩襟有時欲說法一瓢月在頰靈明百琲珠如看瀉行  
篋空空相色非非想瓢月時時復盈掌離鄉忽欲念鄉  
山天姥天台或長往去年住城東看此瓢月生吳宮樓

前燈影明今年住城北看此瓢月蝕天王堂中香炷熄  
僧旣不還浴月亦不上天假而不歸凡幾年聞說塵劫  
歷百年經千天邊之月時或缺月在一瓢光不威

許上舍汝原觀濤圖

避人何敢學乘桴東下滄溟住得無轉眼忽憐塵世小  
一杯海水一葫蘆

三千里路客何久十八家村住亦難我欲與君同卜築  
城南陽羨好溪山

題畫

峰峰嵐氣誰能辨一色采雲分一面山形正闕西北峰  
卻好海霞生片片山深六月徹骨涼世事不到三間堂

回厓偶爾透日光水流花開天地忙石壇中間棋局具  
五客入門饒逸趣纔完一局已卅年騎鹿公然上天去  
荅友人問近狀

門前三萬六千頃架上二千四百年胷次近來無一事  
釣竿纔放枕書眠

跋唐豐溪處士呂從慶詩集後

處士本大梁人以唐廣明元年避黃巢之亂至歙又  
自歙移旌德之豐溪遂家焉處士卒時年已九十七  
自題其墓碣云唐詩人豐溪漁叟之墓時已屆石晉  
天福中蓋處士之不忘唐如此自後遂世居豐溪迄  
今已九百餘年子姓繁衍多至數千家余來主洋川

書院其末孫璽與培皆從余游近復從零縑斷碣中  
搜羅處士之詩并前所刊共得四十五首乞余序之  
因并繫以詩


君詩四十有五篇流傳九百十六年豐溪自此占居籍  
百世尚識開封遷人丁至萬戶至千前後南北闔墳田  
清明歲歲上先冢十里以外聞香煙千年家法堪則傲  
不用西方化人教姓牢奠後布路回墳頭從不飛紙灰  
君不見司空表聖羅昭諫唐末英英義聲見詩人豈藉  
詩句傳大節所在尤昭然豐溪處士生晚唐末路乃值  
晉與梁時嗔時輟心內傷醉後自比陶柴乘烏衣山王  
官峪糾嶺柵峰同窄寧九原數子如可作愧煞陵陽杜

荀鶴

友人貽所知集見卷中錄先君子詩頗多敬讀一過感

賦

親承色笑猶如昨孤露餘生五十秋夢好尙能依膝下  
愁多時復上簷頭傳家舊業詩千首卜築新塘土一抔  
便種梅花滿墳星他時地下鎮從遊



更生齋詩卷第五

陽湖洪亮吉著

箬嶺授經集

勵志詩三十首

獨木可製棟乃反裁作橋獨木之橋心焉搖搖獨木可  
立柱乃反制作舟獨木之舟或沉或浮

天形不知以農為師地圖或濶引商參問欲知古詢及  
賈欲通俗訪及僕

羅網待物不擇飛走資格縛人不問賢否

慢神無福諂亦如之不慢不諂是為得之學佛無益毀  
佛無損不佞不毀達人所允

萬燈雖明不敵一星九流雖精不敵一經星晶瑩海宇  
寧經習熟治術足

莽佐飲菸佐食腸浸滯口呼吸一火攻一水厄消肌膚  
鑠精液

一家飢寒擾及里鄰四民飢寒憂及君相

靈狐狺狺善惑世人神祠穴久不婚土偶林禽剪舌巧  
過百物有法制之禦以木訥

身欲死藥不靈心欲死語不經語不經神殛之藥不靈  
鬼殺之

我欲上天祇憑一梯天之高高梯則已低我欲渡河祇  
結一壺河流湯湯壺不可泔

以力養人力懼不展以心養人活及無算以財濟世財  
有匱時以言濟世利無窮期

妄思奇福必得奇禍妄思窖金必至家破

龍行雨聲不聞龍出聲雷卽嗔鵬搏風翻不露鵬奮翻  
天卽怒

我所思在九域以外九域既窮天地何屆我所思在萬  
物之究萬物既究執持其後

心無欵傾不畏震霆行無疵累不畏社鬼社鬼所搏必  
非強梁雷火所觸人或不祥

齊三士可稱勇伏劍死不旋踵魯兩生可號儒叔孫先  
不能污齊三士誰可敵田橫島五百客魯兩生孰可同

哀平中楚二龔

衣無複單難以禦寒家無法紀難以服官衣之有複潤  
及肌肉家之有法化及鵝鴨

惠人升斗莫惠以口殺人刀戟莫殺以舌口惠人怨必  
叢舌殺人已必凶

妖禽九頭妖狐九尾顧首顧尾不見可喜并鼈斷足形  
天斷頭時起時舞不見有憂

盜賊水火不過家破飢寒困窮一身之凶妒賢嫉能殃  
及孫曾利已害物禍至殄滅

環堂而行跬步有幾行之不已可積千里索書而觀書  
苦易竟循環讀之義乃不盡

欲身不病無與物競欲身無災與物共財

檻虎縱馴不使導遊吾誰與借岸有白鷗籠禽雖俊不  
與論心吾誰歎曲案有素琴

不隨俗可挽俗不趨時乃求時

父母存苦賤貧蠶鹽蔬菽日以奉親父母逝感遭際錢  
刀錦綺僅以營祭東流滔滔逝不回西日宛宛誰能追  
行持形骸入蒿萊元堂幽扃永趨陪

鵬六翮難傳天蟲百足難陟巔終爲人所唾不爲人所

憐

百步之內必有嘉木吾拜松竹重其先拔俗一林之中  
必有飛翔吾拜烏鵲重其不出鄉

一身之事妻孥不詳欲告我友又苦各一方百年之中  
半不居里惟蠹魚追隨見我輒喜

喜飲海水喜食海魚春夏卜居無逾巨區喜餐湖涿喜  
采湖菱秋冬讀書宜傍禹陵

鏡不留物影過卽滅世不待人事去卽陳浮雲激電生  
滅何速視世以心不視以目

壬戌新正九日吳封翁端燮等邀集世經堂看梅作

昨夜羅浮月微黃挂屋端居然半間舫釀足十分寒殘  
葉樹頭墮古香枝上探花前兩年少吹笛勸加餐

十八日偕陸孝廉繼輅莊上舍曾儀黃秀才載華至城  
東儀舟亭探梅回集卷施閣小飲卽送孝廉北上

東風纔解凍北風又飛雪已傷青春遲復與友生別陸

郎卅載同鄉里早歲聲名日邊起蝶夢莊周昨已醒牛

醫黃憲今誰比三君一例皆少年各矯健翮凌風前流

光真慨熟羊腍壯志欲餐生彘肩嗟余病已經時臥五

十五年殫指過范睢疊向生前折荀偃頭從夢中墮閉

門且學楊子元精義一一離言詮雪花六出梅五出日

月右旋天左旋因茲悟徹無生旨大地春光亦如此要

從鶯燕識春秋不與蜉蝣共生死燭光千頭淚百堆日

昨畫鷁從東來元夕城東咸豐壩有競渡之戲天門一笑卽飛電地軸

半拆驚轟雷開門却倩梅花守掃徑惟應待良友二頤

雖無陽羨田百壺且中山陰酒東門之東花幾椽草根

樹皮春已蘇大姑城訪東晉刹少伯河接西洮湖荆湘  
米價平難得楚蜀軍書尙馳驛燈火初回眼已青干戈  
乍歇頭先白八角籬門尺五汀暫時分手若爲情南行  
欲趁鳧溪棹北上先題雁塔名

將至洋川書院先詣郭北謁別先坐

經年方覺定羈魂松栢蕭蕭謁墓門已分頭顱行萬里

昨歲蒙思免死遣戍伊犁至戍所僅留皮骨反孤

將軍又欲行法亦荷聖恩以免村長愁擬共張平子妙德慙無袁愍孫揮淚更從原北

望鵲鳩聲裏上朝暉

過東垣

已斷中江路銀林五垣長水難歸震澤波轉突丹楊別

派分天塹低圩減地糧五垣成高淳諸縣遂爲澤國前明遂奏減地租派入宜興荆溪

等縣臺濛遺事在三復感滄桑

花朝日阻風江口望采石太白樓咫尺不得上

今朝花朝無一花今夕月夕亦無月因之酒人無酒飲

空向酒仙樓畔歎沉思往事心內傷陳劉應徐均已亡

謂三十年前學使署及沈太守業富署中諸賓客如邵學士晉涵高孝廉文照汪明經中諸人我前同

公謫夜郎意外復得還江鄉眼中千里與萬里只坐沙

洲慵不起忘穢雅有忘機伴鴨鷺鷺飛不已君不見

江源亦出昆侖中往者險欲探奇蹤伊犁去昆侖葱嶺皆不遠豈知

勞人家住海東岸江水過我始得東朝宗奔馳歲月方

三載江水未移青鬢改竹帛偏憐壯志虛乾坤剩有詩

名在二更月出斷厓口遠道呼童復沽酒花時雖無桃  
杏花且向原南折新柳

涇縣道中夜宿

春山一路幽蘭香菜甲遠襯斜陽黃藍輿時向杏梢度  
薄暝尙欲穿層岡一山初平一山出怪石總從頭上突  
却到山溪夜已闌橋南一樹花如活

過茹麻嶺

茹麻嶺南無隙地麥隴盤盤上天際青松陰裏紅杏花  
波影日光微覺膩踈踈一樹闌干右燕剪未來蜂已逗  
晴空復聞喚雨鳩况得一角陰雲浮

行次桃花潭山店看杏花作

整整斜斜劇可憐桃花潭側杏花妍銷魂樓上三更雨  
似畫江南二月天小語未妨留睨睨間情只欲惹鞦韆  
慈恩回首真如夢露冷烟殘又十年

山坑道中

雲乍離山日向晨浣衣津口淨無塵不知頭上花齊放  
祇覺遊蜂戀美人

抵洋川書院

來路雲已遮去路山復塞山禽亦分界飛不妄南北惟  
愁山外事傳到此山側預戒五尺童不延山外客  
追思荷戈地亦有萬仞山但覺白氣周無此青鸞環攤  
書向檐前鳥語殊綿蠻勞攘三十年獲此一歲閒

生徒十數人曙卽攬衣起周廊聽書聲都穿白雲裏與  
談前世事一一盡色喜所愧學業荒欵門來不已  
樓前半畝花紅氣通入牖朝霞復相間赤白分左右欣  
茲讀書暇時亦陟岡阜日昨山雨肥園丁獻新韭  
詠亭側海棠

薄暝行山坳花氣籠一谷紅襟一雙燕守此花畔宿紅  
紅白白競半春只此花態尤清淳亦如名姝善守身艷  
極不欲銷人魂一花初開承一葉葉上時時綴胡蝶雲  
紅露白夜不眠要看殘月來花前

曉起看梨花

一白疑無影亭亭物外斜祇宜將曉月襯此欲開花飛

瀑空相照幽禽靜不譁闌干兩三曲何處著春華

山樓喜雨歌

一月不雨憂三田四山出雲高接天雨聲似挾海潮至  
一夜迸落山窗前山中懸溜本數重添出百道如飛龍  
喧聲忽然入室中欲挾床几凌虛空漫空花雨尤堪訝  
桃花李花成陣下海棠可惜昨始開連藥都飛北窗罅  
園丁失喜農師幸風伯差嫌煞風景翻盆雨驟晴亦驟  
北斗仍看挂松頂沉思往事聲暗吞憶昨雨急趨烏孫  
窺身無地得空穴雷電又入接驚魂雨行作雪夜若年  
我僕尙滯南山巔羊裘濕盡不得脫指凍欲裂饑腸煎  
卽今生還萬事足況復眼前書可讀雨聲風聲縱凌厲

足不下床頭戴屋君不見雨餘濕翠復幾堆曳杖更欲  
登層臺老饕無端笑口開明日驚筍登盤來

山館靜坐憶孫大星衍

戊戌年曾共隨學使者按臨過此縣境

峽號壘笮澗響琴卅年前事一追尋巖腰柳尙凝青眼  
谷口蘭真愜素心偶尔塞翁悲失馬依然山館仿來禽  
舊遊十輩今誰在最少如君白髮侵

將至旌德趙兵備翼枉詩相餞未暇報也山館無事戲

作長句柬之并約同遊黃山

逐臣初歸戀鄉土日日醉眠腸欲腐有花卽向花前飲

不問誰賓復誰主少年英英丁與陸

明經履恒孝廉繼輅

跌宕文

場氣頗粗就中我敬西頭趙七十高年健如虎哦詩一

字不相讓往往雷霆雜吞吐牡丹八首尤奇絕老筆轉

能生媼媼百年文獻差不愧一輩賓朋試重數忘筌莊

叟善高論

中允通敏

荷鍾伯倫稱大戶

召場舍人

沈吳近又結詩

社廣文元輅

去歲二月廿三日清明

劉蔣頻招宴花圃

太守能昌

養神我憶月

廿三

去歲二月廿三日清明

競渡人喧日端五波光已覺淨如綺

筆力復看強過弩座中詩派判唐宋壁上兵鋒看秦楚

危詞縱累十二碁定律不差分寸忝便教長樂嚴刁斗

敢與淮陰鬪旗鼓強梁幾欲扛周鼎弱肉何堪試蕭斧

叢譏杜老作詩瘦轉學荀卿著書苦此來百里程迢遞

實避千言氣莽鹵仍攜季豹同趨塾

時挈兒子符孫入塾

未碍伯

鷺居賃廬萬山已距南來轍一屋祇開東向戶三天子

障肩堪並五老人峯頭復俯九華山距此不及二百里雲光破曉嵌

簪曉清氣慙時克肺腑耻同詞伯競壇坫可許散仙居

洞府狂遊尙未卜時日鄙意終須待儕伍我餐黃獨纔

匝月君跨青驄去何所時聞有吳門之行名山欲入先鼓興此

老若來當步武朱砂泉記仍可續紅杏原詩不須補緩

程水定由青弋回路嶺仍登白紵狂思策蹇升龍脊醉

或然犀燭半渚餘閒并可覓酒人陳巡撫淮近寓居蕪湖得暇未

妨談食譜君如爽約當有說意必兩端持首鼠蹤疲既

畏行客笑句劣或恐山靈侮興公果係天機淺安石輒

爲人事阻縱然曳踵看山色應悔埋頭住江潯溪南帆

席不肯挂屋北降旗定須豎歸時擲示一巨編讓我長

歌擅今古

登山半小閣

一閣瞰四山缺處望箬嶺山坳一千戶慙慙若居井白

雲穿入牖曉夢尚難醒幾家晨爨早烟縷上山頂烟光

觸花氣倏忽暗朝景獨坐心轉清憑闌試新茗

山下訪友

門前古樹分向背千枝百枝鳥聲碎有時出屋不及冠

頭上白雲如可戴興來欲訪溪南友水鳥鷺絲分作隊

橋心甫過魚驚竄瘦影亭亭嵌波內南山雲晴北山暗

坐覺一窗殊顯晦野人留客頗勤懇手剪青青一畦菜

家貧不諱瓶無粟舍北村南總堪貸飯餘一晌眠初熟

倏忽怒雷喧水碓竹中一徑穿曾慣人去鳥來都不碍  
零星舊事談難竟送過前溪步方退爲言山僻有一龕  
明日倘來堪晤對

侵曉送客過嶺

孤帷隱一燈行客尙未起殘月下北山寥寥犬初吠  
一峯抱一峯劣徑入隻騎十里吹濕香原空瀉花氣  
偶成

鳥聲不下樹蛙聲不上山夢醒聞衆聲寥寥隔層關前  
宵一雨山光綠添得水聲飛上屋三層閣倚百尺松飽  
聽日午唵蒼龍

連日風雨花事零落殆盡牡丹芍藥尙無消息感而有

作卽示諸生

岡北岡南厭登涉十日看花都作葉風飄萬朶無一存  
隔隴蔬花尙層疊閒情幾日少歸束春夢百番難妥帖  
負暄行客乍脫綿驟暖高齋欲搖筵無端頃刻變晴雨  
或者陰陽欠調變名花縱謝柔桑嫩樹上家家有蠶妾  
攜壺挈榼止家忙刷土四邊封馬鬣茶畦偏多麥畦少  
久矣斯風盛宜歛洋川書院挺山半築屋居然象城堞  
一甌我尙遠借書百里最慙爭負笈閒繡左氏獲麟史  
教傲羲之換鵝帖蜂腰終覺句可商鳩舌半憐音不叶  
九經四史孰淹貫八體六書宜涉獵百房燈影遙相射  
半里書聲恍如接埋頭已覺遙夜永涉足偏欣上山捷

諸生英英志莫情春日遲遲睡防魘何時便可放勺藥  
此信定難瞞蛺蝶花寬十日五日約香已千枝百枝裏  
新蟾屈指黃半鉤嫩藥關心紅一捻二分纔向枝頭吐  
一朵誰先鬢邊貼花前勸我頻攜酒花下阿誰時步履  
醉同山簡接離倒兩學郭公巾角墊金疊總向人前瀉  
玉笛須從樹頭壓半街月霧籠衫袖五色花光照着曉  
商量却待榴火紅青弋江應放歸楫

度嶺

一山初平一山起更有一山生足底怪峯稜稜都礙履  
山鴉啼愁山鵲喜翠柏青松淨如洗山頭同身望山尾  
來路都沉白雲裏天梯初升石門啟已隔下方三十里

山樓曉望

花紅宜朝暎花白宜曉月梨花尙帶殘月光一樹棠梨  
已迎日人家分住東西嶺菜甲作花連十頃平田雨後  
飛濕光雲朶亦與花爭黃

微雨

天半浮雲過山頭暗一重早涼開北牖微雨入前峯已  
度三層澗全迷萬壑松冥濛看飛鳥歸樹尙從容

山行

添衣欲出門日色驟晴煦濛濛北原上春氣零若雨斜  
穿松櫟徑百鳥頭上語草花三兩種曲折礙芒屨前渡  
淺水灘牽衣待儔侶

三月三日憶里中雲溪諸勝

今晨三月三禁烟亦此日風花無一朶清冷值佳節  
樽上高阜轉覺鄉思切遙憐池館好踈雨亦將歇北郭  
展嫩晴雙橋上新月應有挑菜人延回出城闕

我家白雲溪雲白溪亦漲一鳥溪上鳴千花樹頭放近  
移東半里築屋轉相向春來倘無夢夢輒在溪上樓前  
楊柳樹闌牖可閒望花落溪水深春人定惆悵

郁李

階前郁李多只惜花瑣碎沉沉春晝影迷客有如醉幽  
蘭獨高格開尙與人背梨花嫣然姿亦出桃李內庶幾  
顏色淡蜂蝶所不愛三春孰蹤跡一客獨盼睐欣然攜

茗具晴晝看至晦詎忍折一枝夜窻仍晤對

半山看雨

雨聲欲走北風力欲挽西遂令一谷雲分向西北飛風  
驚西來雨北走天頂依然掛星斗風聲雨聲入夜昏鳥  
歸人歸爭一門君不見歸人歸鳥何太急鳥亦有巢人  
有笠

大風拔木歌

寒食前一日

危亭不合皆畫龍怪底拔宅思騰空爪牙森森頭角挺  
惹得天龍下窺影雨聲飛完復飛電風力驟回先拔木  
飛泉如濤響空谷餘勢尙摧花與竹畫耶真耶不可知  
但見半壁雲分馳雷聲亦自屋中劈照見鱗甲光參差

江南山高水復濶幽處盡爲龍所窟以龍招龍龍卽出  
或者眞龍怪唐突黃山之西白嶽東勸翁掃壁更畫高  
高峯不爾龍挾此屋飛入雲當中

寒食偶成

伊犁河上值清明東距關門尙百程今日萬山深處坐  
雨花如夢撲簾旌

誰向洋川紀歲華沿門都已採新茶山中春事忙如許  
桃李先開半月花

日午山窻睡起遲東風吹夢入游絲愁無一架秋千影  
閒煞滿庭紅杏枝

衰遲未敢說春愁棖觸鶯花憶舊遊只有白雲知我意

隨風都到海東頭

偕諸生至下洋川修禊各賦一首

我來已半月未及洋水濱茲逢禁烟節又值上巳辰諸  
生學經時用志已不紛相携勝地來驗此心賞眞聯行  
亦無多童冠八九人牽衣過石橋酌蠶向水滸頗感歲  
月馳奄忽及算春吾徒勤讀書尤在志行純心性苟不  
漓遑計泰與屯朱雲折安昌其氣尙未馴及對辟輿君  
品乃絕等倫寥寥七十年冀欲追絕塵狂狷致失中又  
恐戾聖門同堂貴參稽得間盍共陳歸及新月輝陶然  
飲芳尊

清明日望遠

三更白雲四更雨踏青人聽更殘鼓鼓聲纔絕人聲擾  
已見春衫度林杪濛濛松竹徑尙昏春燕亦復隨春人  
風光縱好春人訝似怨桃花已先謝山中一歲止一來  
棠棣枝下仍徘徊一旬春鬢無顏色却戴幽蘭露猶滴  
洋川曲折徑亦斜沿路喜尋親串家漸裙春水年年好  
只惜紅顏鏡中老  
階前艸花黃白可愛爲賦十絕  
黃黃白白滿窻紗破悶聊拈午後茶從此不嫌風景淡  
草花能替樹頭花

清明日憶女紡孫却寄

小白長紅幾樹桃嫩黃淺碧柳條條春光偶到三層閣

客夢頻牽八字橋堵可學文愁病肺兒能涉筆幸垂髫

謂符孫

他時卜宅烏衣巷時得孫大季仇札約買宅共住江寧故云門外山光

卽六朝

偶成

校得南華內外篇晚春已覺日如年新紅看罷看新綠

正是江南麥秀天

夜起

尋詩似厭春晝忙三更起行百尺廊紅蘭花前月尤皎  
白鷺影外天何長樓臺密處闌干複北斗正垂闌北曲  
水西一燈行不休夜半已到山南頭款門殷殷人不識  
失喜偏逢寄書客山深不及羅酒漿飯客祇有蔬花黃

王人將眠客復起欲到縣中還卅里  
水北三松歌

日日樓上看三松今日甫向松根過  
亭亭拔地百餘丈  
遠望仍疑水邊臥松邊一橋亦千步  
橋盡松根始全露  
盤空天矯不可名一半橫遮水南路  
松梢沉沉足烟霧  
白鶴不來棲白鷺一枝北出勢更奇  
草得樓臺復無數  
五松中間兩已枯間向岸北尋根株  
移南倘復十數武  
老榦直欲梢浮圖霜皮一尺裂一縫  
堆得苔錢已無空  
風聲雷聲昨倥惚龍欲出山雷雨踵  
倒海排山浪齊湧  
只有此松兀不動攫拏星辰疑有力  
回轉陰陽不踰刻  
根株盤盤穿入石透出石中枝尙直  
松聲近樹反不聞

數里外覺驚濤奔鄰翁下見五代孫  
自說輩行無松尊  
愛之不忍手撫玩一月幾回來斷岸  
君不見四山中間  
人跡斷此客此松聊作伴

暮窻看霧

分半山坡枕水涯讀書樓上一燈斜  
怪來眼界空如許  
白霧漫漫蓋萬家

望遠

挑菜湔裙總未曾半旬常自睡曹騰  
小桃落盡春無夢  
雙燕歸遲夜有燈舊友許貽京口酒  
新詩都寫剡溪藤  
惟餘望遠心偏切月黑高樓上幾層

山杜鵑

十日不出戶杜鵑紅滿山始知造化功足補春事殘紫  
藤亦牽花掩映松竹間胡蝶去已久何時復飛還曳杖  
一縱觀花露衣上班側聞鄰翁言消息到牡丹有此匝  
月紅庶可待藥欄

山中

山中雨半宵三日足清響蛙鼓亦上山寥寥非意想  
卽事

山雲朶朶欲凌空罩得山花處處紅自覺著書心地徹  
不知身在白雲中

雨夜友人過訪

友涇縣人

竹笠芒屨猛叩關匆匆知自震州還故人欲話三年事

積雨先沉四面山勸客酒杯心轉怯照人燈火鬢初班  
離家早已忘家累擬築幽居水乙灣

所居水西山水尤勝

洋河橋題柱

洋川三面是人家到得橋頭路已叉却趕犍牛山北去  
不教喫盡野田花

題士女遊春圖

白白紅紅艸亦香且扶新月過橋梁春光似海人如海  
不避遊人說大方

羅衫葉葉趁春遊竹粉時時拂面流摘得菜花何處用  
嫩黃先襯玉搔頭

黃蜂何處覓遊蹤欲上層梯意轉慵拂面遊絲已無數

第三層塔且從容

驟晴驟雨筆難描一朶輕紅未破苞乳燕尙嫌毛羽重  
祇教胡蝶上枝梢

曲曲溝腔之字斜踏青纜了路偏賒一條春巷門無數  
何處能尋阿姊家

十四日夜起

及此三更後唵堂未不諱夜雲時作態春月亦能華蝶  
夢穿書幌蟲聲落畫叉空明一灣水似不隔窗紗

十五日詣日涉園看牡丹

紅踈綠暗悵無端路僻山深夜尙寒似爾鏡中花爛漫  
鬥他天上月團圓風光艷憶餐霞閣香味清逾承露盤

迢遞樽前小兒女故鄉春好不同看

昨歲友人貽異種  
數叢植卷施谷中

此時當亦盛  
開故憶及之

看花歸值急雨

雲頭倏已昏雨腳來亦驟歸途經畧約四面水聲湊忘  
攜簑笠具衫袖薄將透幸茲坡險處我僕已迎候扶攜  
到軒墀早復注簷溜樓頭窗八扇看雨做前後只隔山  
兩重空明月如晝

夜坐

好書圍四面複屋住三層花氣能消酒雲光不碍燈下  
帷更乍永擁被月初升只此清涼境年前得未曾  
十八日詣延芳書屋看牡丹

別分池館枕汀洲花外纔停喚雨鳩修到紅顏仍有福  
開從綠野不知愁吹香簾下頻牽夢照影波中亦並頭  
倘仿徐熙圖沒骨焉支山下我曾遊

歸途復過日涉園花事尙盛

別來莫恨花開緩月缺一分花尙滿風風雨雨卽不時

梅枝李枝能護持

牡丹旁有梅一株高出檐角爲蔽風雨

梅枝高更出簷

角雨縱日飛花不覺固知顏色異泛常樹亦曲意憐花

王花前艸綠都如帶花影將沉夕陽外朝霞色淡暮色

紅雨後花尙嬌春風片時危坐北窗裏靜聽周廊鶻聲

喜君不見林陰初昏客初起香氣逐人還半里

二十日大風雨屋瓦皆飛至四鼓乃睡

四山都囂雨雲氣代成峯怪響時穿屋飛濤半入松夜  
燈迷百級露瓦揭三重誰說高居好眠遲待曉鐘

案頭盆蕙盛開

書纔完一卷蕙已舒九朶清絕山館中幽花伴人坐

二十八日破曉雷雨

驚雷一片穿窗紙花上稜稜電光紫朝霞欲上倏復收  
讓此霹靂穿雲頭日光初明電光暗雲外數峯雷尙占  
陰晴百變誰得知殘月尙挂青松枝

連日風雨山杜鵑紅者盡落復有黃色一種花朵較大

滿山谷喜而有作

昨朝山杜鵑一兩紅盡退今來黃更艷萬朶出山背深

山花事好五色若相代花黃不到處點入四山黛森森  
碧合流纍纍綠成隊如拳復如合花朵不繁碎已有采  
藥人嬌黃鬢邊戴

自十五六日雨至此十餘日不止春事將闌感而有作  
只惜花千片都隨雨腳飛此時孤客夢樓上一燈微夜  
久頻牽幔春寒孰寄衣惟應入簾燕話舊尙依依  
衆響居然寂天風靜掃關棧春懷遠道斜月逗前山影  
逐孤雲上魂隨獨鶻還鄰翁縱相約花事恐闌珊

二十九日稍霽向山後縱步

上山平下山險霞光舒露光斂雲頭尙有瀑一重雨脚  
亂飛花萬點厓窮谷斷步欲回對面樵客穿雲來沿流

飛渡捷于鳥詫說北山花事好

山樓讀書雜詩

朝陽出東山生氣滿空谷春禽飛不到時亦響啄木經  
時春露好潤此松與竹閒披東北牖偶復眺村屋空外  
飛爨烟應知飯將熟

晨興對聖賢夜夢侍親側神明渙然開真趣誰復識孤  
生百年內所苦駒過隙庶幾餘寸晷藉以獲三益平生  
尤與悔至此已冰釋

平寧三日晴原野漲春氣裊裊青竹竿森森逼天際高  
低楊柳外鳥亦鳴得意而我久客斯孤生或如寄山農  
勤播種僻壤少隙地昨者餉豆苗盈筐綠猶細

山樓極高寒所苦山霧重誰云春日暖幽谷未消凍軒  
墀行迹絕艸密已無縫冠裳束高閣月朔偶一用離俗  
愧未能經旬有鄉夢

閒身三十年一日書不離每于積軸中獲此神解奇一  
義苟豁然詎識渴與飢遊山素所耽近屢改日期亦恐  
心志專或以耳目移殘漏披北窗攤書竟忘疲

山雲不出山舒卷如在我林禽知客意時亦近窗左軒  
墀無別物積軸致堆垛而我顧樂之時行復時坐風花  
雖已謝又綻滿林果今日山杜鵑入簾開幾朵  
頻年著左傳詰已欲告成偶題一律

頻年几案整精神訓詁方輿勘較真于世已疑成棄物

此經未愧號功臣時將古意參前哲不肯多端誤後人

紅豆一株今在否莫教嘉種化為薪

紅豆山房惠徵君定宇所居也此書

承徵君九經古義頗多故憶及之

三十日餞春

屈指將長至攤書晝漏長日濃花氣淡山靜水聲忙紅

隱新遷社青連古戰場

北去卽蘭石爲晉宣城守桓爨屯兵距蕪峻處殘春今

已盡三復舉離觴

山館卽事

三重碧澗客難渡一片白雲吾與居平心已任喚牛馬  
壯志偶欲箋蟲魚樓頭青松下芳艸樓上著書人未老  
經旬窺徑無一人抗手欲招飛過鳥

花光一重雲一重花氣香入雲當中雲頭花香亦分部  
高下任逐冷冷風幽居百日絕妄念山在屋頭看不厭  
惟嫌村酒淡不釀卅里呼童走山店  
初七日夜偕同人至鄭氏園亭看勺藥歸途遇雨作  
閉戶纔旬由高原麥已黃亂流雲外湧百草雨中香地  
僻留春氣廊虛閃月光居人無乃笑黥黑看花忙  
喜青陽陳明經蒞過訪

驚起山南鳥鵲羣筍輿穿徑已斜曛意中欲定千秋業  
時以所作乞肩上猶飛五色雲種蛤近添新事業  
訂定并乞序  
置水田  
數頃  
射魚仍憶故將軍君客福建將軍署中五年他時九子峯頭  
東巖卽九華東峯三十年前與君分手處也時訂重遊九華  
路訪罷東巖便訪君

豐溪道中望天都峯作

山南地陷如智井人鳥爭巢松柏頂高低山麥皆已刈  
留得白雲鋪十頃千峯萬峯雨模糊一峯獨立天所都

記曾曳杖至絕頂七百里瞰高浮圖

戊戌歲隨學使者遊黃山曾借土人

陳某登天都峯頂天氣晴朗約畧望見江寧城外報恩寺浮圖蓋相距已七百里矣陳某土人名爬山虎聞死已及  
名山厯徧人驚老如虎健兒令亦少君不見置身  
高處眼界開足底復有千山來

畫省嶺

竹笠芒屨雨腳粗更從峯隙望平蕪畫省嶺上無多地  
除却茶菴便酒壚

涇縣道中山行

水東水西天下最一縣好山都染黛人行螺旋不得休  
纔欲出山雲復礙溪光五采霞五色霞外樓臺好登陟  
艸頭黃白時有花紫燕交飛亦如織仙人溪上雲冥冥  
山青一路至敬亭君不見車箱驢背坐已怕欲借仙人  
鯉魚跨

琴高溪小憩

連山雲氣暗層岡瘦僕偏憐策蹇忙只有雨絲無日影

琴高溪上十分涼

琴魚琴筍更琴茶

琴高魚之外地產茶筍亦極佳土人名爲琴茶琴筍似與仙人

共一家欲約麻姑過溪上平田添種女桑花

渡小南湖

稍晴渡南湖波濶三十里鷓茲及鷓鴣水面飛不已一  
綫日影中湖頭達湖尾四山青乍露雲已伏不起何因  
吳地犬見日亦鳴吠只有南人推篷展然喜時陰雨已及半

第一村圖

于徵君宗林家在蒜山之麓相傳卽晉時孫子荆所  
居第一村也壬戌六月十日徵君招余過洲上信宿  
並命幼弟淵問業于余坐次出此圖索題因作長句  
以贈

京江西頭第一村大水細水吞柴門柴門開處一峯立  
對門卽九子山直上稜稜百千級水邊楊柳分三層鳥巢人屋

魚有留水光不動山雲化魚鳥與人皆入畫東瞻北固  
南五洲屋背更壓金山頭徵君兄弟文筆優闢屋別築  
藏書樓草堂時來第一流十日五日能勾留萬株青竹  
竿百頃香水稻丸派江流入懷抱君不見晉人風流安  
可效合署此村名有道余過介休日曾  
兩詣郭有道村

十一日同人遊九子山

今朝北風好吹我入南山一谷怒當路千花靜掩關時

毯薔薇  
尙盛開客從三伏斷雲自五州還却挂征帆去幽巖未

及攀擬重遊獅  
子窟未果

剪江至焦山并遊巨公厓諸勝

火雲燒處戶難開却被支公信使催我比海潮還有信

兩隨圓月渡江來

石骨峻嶒石髮纖海雲東上日西淹來春我看桃花處  
之字江流品字巖厓正對桃花洲

巨超上人于焦公洞西北復闢一厓境極奇峭十二日  
邀余及同人避暑其下并乞命名余因以巨公名之  
復繫以詩

道人夜洗山洗入北山腹玲瓏逢一竅貼若巨龜伏梳  
爬及三日寬已半間屋西來山勢猛至此始盤曲石石  
恣欲雙惟茲石成獨安排青石磴甫可展遊目南瞻及  
京口西正眺浮玉鬱鬱卅里洲雲烟互重複鑿山疏水  
續始事尤足錄成功雖欲讓衆論久已屬剝苔題數字

庶配朗公谷

十三日早至別峯菴看日出

一峯既別出一水亦別流山水各有別于茲起危樓樓上八牖開正對東海頭百怪未及藏光已燭郁洲森森赤玉盤正向案上浮朝景既已開夜氣始盡收我心亦空明障翳一不留僧難訝久淹敬進水一甌移榻閣上眠心神與天遊

詣高旻寺如鑑上人招登天中塔望海

不信帆檣上居然戶牖開岸疑穿地出山欲渡江來舫屋東西接樓船楚蜀回贊公招手處飛鳥亦驚猜

此日隨飛錫多年歎轉蓬三層歷霄漢百級出樊籠天

意誰能問坤輿已欲窮請看東海水流入尾閭中

茱萸灣別墅與諸同人納涼分賦 卽放生池

茱萸灣中無六月水竹水雲涼沁骨支公迓客鶴亦隨

毛羽離披脛先折房廊已達宦河口四壁都依水楊柳

幽人見慣亦不驚水面大魚人立久斜陽欲入雙徑松

一杵已遞焦山鐘雷塘螢火忽飛到百劫尙識臨江宮

石牀旁邊安竹榻僧古說詩如說法道心不止鷗鷺喻

善念都看到鴉鴨勞勞行客歷八荒誰識此子疲津梁

天山冰雪話難竟 客詢及出塞舊事 座客心地皆清涼茶杯鬥

罷門酒杯七客反送孤僧回君不見東西咫尺涼燠異

隔岸火雲飛驛騎

高旻寺行宮敬賦

一水居然跨兩州塔前千尺步廊周怪蛇古柏爭橫砌  
海燕溪雲各上樓話久綠莎廳外路涼生黃屋殿西  
頭誰憐憔悴江千客曾侍長楊五柞遊

侵曉詣放生池看荷花因夏仲雨水過多花事寥落地  
上謝公祠等又半燬于火感而有作回途復至卜家  
池上小憩

謝公祠畔路不是不能來水雲既已荒水上無樓臺半  
池枯菡萏十頃黃蒿萊沿溪三兩家枕此蘆荻隈終朝  
女牆影鏡裏常裴回待此曉日升久坐石砌苔回經卜  
家池紅荷反齊開

盆蕙盛開

東南卅步回廊直香氣出門如索客尋香覓蕙淡不分  
花葉稍分淺深色一枝亭亭凡九花根蒂尚帶山中沙  
君不見離山更憶居山日萬朵奇花一鈎月

花尤多

洋川書院在山半此

哭張編修惠言

直為朝廷計尤須惜此人義堪風有位官僅作詞臣嫉  
俗眷常斂憂時意獨真研心仲翔易骨相亦同屯

易翻

君時注虞

萬里逢嚴譴三秋值抱痾避人來請室鞭馬及渾河  
八月余在請至中君無日不入訪瀕閱世知心少思鄉  
行復扶病送至蘆溝橋聚談竟夕

別夢多

屢欲乞假歸未果

十年無淚灑爲爾一滂沱

校禮圖爲凌同年廷堪賦

君年三十正據鞍相與共容河之干

丁未戊申曾同客河南撫署

是

時我有左傳癖未暇從子研周官禮經盤盤若干例

近君

著禮例一書

釋例甫完先擢第木天粉署非所願只覓著書

將母地宣城僻在水一方昔爲詩藪今禮堂驚人不賦

謝眺句解詒間學盧中郎我行千里與萬里羨子枕書

眠不起昨宵訪舊來此州萬卷都堆竹窗裏遊談我已

戒不根况子經術今專門留賓亦復太狡獪倉猝爲我

羅雞豚君不見溪茶可煮筍可食官滿十年階欲陟他

時博士擢禮官兀兀看君稱其職

受業

呂培譚正治

校字

更生齋詩卷六

陽湖洪亮吉著

蠡河傷逝集

夜宿九華山東巖讀壬辰年朱學使筠題名碑共十二

人自亮吉外廿一人無一存者感而有作

前遊十二人十一登鬼籙惟餘一生者西復窮地軸當

其勢倉皇天地爲一哭寧知遄返迅又此濯雙足平生

時檢點恐負友生屬餘年惟欠死除此萬事足山僧勤

問訊把袂恍如昨灑酒對石厓四山紅躑躅

度柯冲嶺

屋前童失聲屋後山起立尤愁沙石滑空處不置級斜

暉初沒水行客勢轉急君看厓上樹迅羽亦不集飛騰  
如猿猴我僕愧難及明星三兩顆天已逼斗笠石罅出  
一門雷霆復相襲時時涼沁體衣袂宿雨濕過嶺望九  
華凌空向子揖

湛清園夜宿爲陳明經蔚點定所輯聯珠集

不用屏風六曲遮屋頭了了見金霞

門外卽金霞峯

一門詩集

追元祐百里溪光似永嘉墨雨醉看飛四座水雲涼欲

卷千家平生幾兩遊山屐到處爭圍問字車

下洪溪憇雲嶺書屋贈芮茂才炳

泉聲碧瓊瓏石氣青瑗鍵林梢花匠匝潭隙魚瑣碎主人  
雖獨坐修竹列成隊主人雖孤眠翔禽舞成對閒雲

知夙契空水識心愛中年富文史亦屢至都會因緣無  
把臂甘此事恬退况今耽道寂久與俗相背閑仍課經  
卷偶亦勤耜耒披履不出門寥寥今卅載

自廟首至石柱山久憇

二石絕不黏高下及三丈凌晨北風峭積勢欲顛蕩將  
頽仍不下窠兀出意想奇峯覲千百此石僅能兩行人  
經脇下險絕不獲仰無心雲亦懾出谷徑皆枉孤盤千  
級磴竟少一寸壤艱危歷方盡烟水忽駘岩貪看遊屐  
過樓閣幾家做夾岸紅蓼花沿途足心賞

歸途訪白山精舍

南山與白山勢若不相接青紅雲萬縷祇向白山貼望

中纔數步忽隔嶺千疊松梢高復下門此筇鞵捷樹杪

露石樓參差間層堞山深富文史百里爭負笈讀書精舍者甚

衆禽巢及人屋近若舂與曉窗開瞰峯罅鳥道入休歛

稜稜飛瀑外山鬼或能涉爆竹偶一聲鼉鼉落如葉

松澗

藍輿一折已入山百折不獲升松關鳥聲噪客一何急

飛瀑復向輿前攔夕陽欲沒仍不沒始覺石門天半突

雲頭陡落一片陰且愁松澗聽鳴琴

余本約焦山僧巨超同遊九華巨超遲至山二日遂不

相值巨超瀕行丹徒顧文學鶴慶繪天臺踏月圖見

寄因作長句題後以貽巨超卽寄文學及王秀才豫

我前遊九華苦乏熟客陪有僧名道成道成俗家江都今主九華飛來

峯精舍有峯號飛來登峯挈僧行奇險始盡開猶遲過江

僧未及登天臺天臺山高一千丈却值秋中月將望山

光正好客不來一谷猿猱致惆悵我來早數時君來逾

二夕蒲帆何遲筇鞵疾百里白雲迷去轍數君住近桃

花洲見畫忽欲生離愁君不見我今讓尔出一頭逸興

竟與神仙儔天空月華露不收任爾徹夜成清遊

余以九月初旬至黃山浴朱砂泉及門青陽陳博士坡

文學壤及塾昆仲後十日始至亦不相值博士等宿

文殊院及紫雲菴各二日始下山并迂道過訪出遊

山詩相質復率作此篇跋後兼寄巨超

半春約客遊天臺芒屨已返客始來半秋約客入黃海  
可惜疲蹤復難待山靈笑我屢失期不待伴侶相扶攜  
豈知事會適然耳僅隔百里趨先岐山山秋爽山山月  
爾乍入山余轉出題餠說餅興益豪不負秋中兩佳節  
狂來翻怨天半風不遞笑語來雲中諸君清福亦誰及  
各以月滿升中峯一峯參天一拔地盜得乾坤最清氣  
環山宣歙十萬家下視泠泠垤中蟻九華旣愧雲水僧  
黃海又復慙吟朋君不見天臺天都讓爾登我轉下歷  
堦千層萬峰中間一水澄寶氣上燭光如燈三宵七浴  
爾可能痼疾若失神明增靜中道氣時鬱烝他日或者  
能飛升

七月廿三日道過宣城凌教授廷堪邀趙舍人良霽戴  
教諭大昌陪遊南樓晚日卽飲教授學舍率賦一篇  
奉贈并呈趙戴二君

我前來宣城北樓正盛南樓傾樓頭七客作高會璧月  
夜半縣簾旌我今來宣城南樓招客北已扃江城不雨  
及匝月樓上習習涼風生地高正可瞰中外岡阜缺處  
菰蒲平春歸臺前望敬亭山色無復前時清流光彈指  
卅年耳舊友一輩誰崢嶸紫微舍人有盛名前遊正直  
歌鹿鳴靈光歸然尙及見謂舍人父侍御青藜余壬辰  
年隨學使者至此猶及見之  
令我再到思前型西頭博士官極冷大戴小戴俱橫經  
教諭子孝廉  
揚輝亦隨行邀來共向此樓坐意外一一欣合并我行

僻路人罕經頗怪百輩隨人行我顏衰慙衛洗馬我句  
拙愧蘇端明郡人看我亦何意後先轉告喜且驚得毋  
平生性拙罪屢撻或者疑我非人情不然又疑昆侖雪  
窟在何處怪我萬里遊行輕豈知我荷再生德投界  
又許重歸耕此來訪舊亦偶爾難得四面山如屏依然  
遊興尙未減九子蓮幕思逢迎凌陽仙人實子明邀客  
不惜飛千觥烹鮮斫膾煮菱藕灑掃竹徑開荒廳茶杯  
初停酒杯續愛我奇論時縱橫主人先醉客轉醒隔屋  
僕豎杯難停君不見燭花墮穗已四更門外僕馬催長  
征炎天雖熱夜氣清嵐翠重叠浮冠纓曹騰醉客路杳  
冥照徑幸有東南星南樓北樓此夜一回首落落更鼓

餘三聲

霜降前二日得家書知山妻病甚亟時以事淹滯未得

急歸書此遣悶

山館傳經底事忙一旬猶未返江鄉青林盡變爲紅葉  
那得愁人鬢不霜

宿京口于徵君宗林宅

日月雙丸竟若梭此愁難遣酒銷磨癸辛雜志從頭讀  
丁卯荒橋接踵過鄰舫乍驚歌小海寓樓偏苦逼長河  
淹留信宿非無事課得侯芭奇字多

焦山法界樓記夢

法界樓前雨乍昏半宵忽復見驚魂夢中不畏波濤險

飛盡江關到海門

幾番推枕睡難成，索索愁聞故紙聲。一語似傳陽羨好，  
微茫或已證來生。夢中見蔣宜人，似言將往宜興。

悼亾八首

蔣宜人亡已匝月，心緒惡劣，不能握管，昨赴弔吳門，  
舟次無事，勉成八律，聊寄哀思云爾。

四壁都無百事非，依然佐讀恐朝飢。窮年累日埋頭慣，  
月地花天攜手稀。質釧記供除夜燕，購書先鬻嫁時衣。  
貴來只憶居貧候，宦海頻頻勸息機。

會稽僚壻最輕浮，心薄酸寒笑不休。顧我幾時纔奮翮，  
累卿長日鎮低頭。補衣怕在人前綻，缺米羞從舍外謀。

春半好花秋半月，可曾結伴出清遊。

客久燕臺復吹臺，遠人難返遠書回。中年總覺愁替斂，  
上第纔令笑口開。官俸薄憐隨手盡，宮紗新憶稱身裁。

宜人二次入都，皆直端午拜，內廷紗葛之賜。歡場畢竟平生少，夜夜遲眠漏  
暗催。

柰此迢迢遠道，何行完舟楫。上車羸七千里外，攜家往  
三十年來負汝多憶，壻夢魂逾紫塞。傷兒涕淚滴黃河，  
余視學貴州，出都日次子盼孫忽殤，宜人思之，往往垂淚。浮生本擬難重見，卿咏飛  
蓬我荷戈。

百齡原未敢輕求，妄冀同將甲子周。昔日望夫幾化石，  
他時喚婦怕聞鳩。裏屍馬革吾曾具，滴淚牛衣爾尚收。

奉倩過情蒙叟達悟來一笑欲忘憂

常將家計一身支甘苦誰人得盡知慈母羹湯調隔日

宜人自都中問母莊焉人年已九十宜人日饋甘旨不絕兒曹衣履製隨時輸官不

待催租吏掃室先延課讀師可惜了無情緒在譜他遺

事入哀辭

深閨解笑元才子捷徑行纔冠百僚尙詡俸錢逾十萬

可知名節墮終朝偶思卿語聞中涕頻把生魂暗裏招

我亦營齋更營莫居貧未改舊簞瓢

一種傷心譜不成畫斜窗外總帷橫何堪枕冷衾寒夜

重聽兒啼女哭聲隻影更誰憐後死遺言先已訂他生

無眠轉羨長眠者數盡踈鐘到五更

客中雨夜不寐起坐讀吳祭酒錫騏近所寄詩

誰憐奉倩最傷神起坐披書屢欠伸垂老僅餘囊底智

獨醒時啖果中仁閒將晴雨占庚子未許雌雄判甲辰

祭酒與子同舉鄉試并同庚故戲及之正是客懷淒斷處玉梅窗外影橫

陳

十二月十日同徐達源待詔陳煥理問唐在簡潘着沈

翻三秀才呂英馮珍兩上舍遊故宮傅周元理宅後

五畝園率賦

我來黎里鎖冬杪意淒肅悠然思縱眺退傅存老屋維

時歛戶客笑語聆皆熟攔門富烟水惜尙少喬木尙書

曾一面歸棹昔何速休神家街日久已鬢毛禿死有五

畝園生爲八州督同時弁山叟亦復振英躅俄焉大星  
隕倏爾故巢覆並看饒遠畧獨此享殊福無端判豐悴  
誰得識倚伏去去訪墓門靈巖北山麓畢宮保墓在靈巖山麓

贈徐達源待詔

居鄰水國號山民校勘陳編事業新官爵偶同文待詔

唱隨欣得管夫人

君配吳夫人亦工詩有寫韻樓集四卷

買書船好通支

港寫韻樓高絕點塵屋後女桑三百樹不妨來訪異時

春

跋屠秀才揆鯨燈筆談

吳江書生授徒畢不朽思憑退毫筆文章李益詩韓翃  
鬼董狐兼作三絕比來作家殊可商數日便已盈巾箱

春秋三傳閣上束委宛一冊匱間藏豈知著書人貴在  
義創獲陳編盤盤出心得世事悠悠嗤耳食元之又元  
倘難冀譌以傳譌究何益韓陵碑外呼以驢沈約傳中  
嗤作賊游談縱欲崇儀行邪說遠不如楊墨仍矜信手  
書三寸可畏當頭法三尺汗牛充棟由不休郢書燕說  
吾所羞流傳縱復屏不視雅爲世道人心憂掃除一切  
斯政要昨者竟頰

天子詔

近有論旨銷禁說部等書

從茲委巷絕傳布不與俗儒資

語笑六經置案廿史陳吾儒事業本有真見聞自此可  
畫一風俗或者歸真醇君之此書我所喜有勸有懲非  
衆比因君發我所欲言白日當空照窗几

阻風二首寄吳祠部蔚光

幾年心跡閑如此爲訪知交屢阻風料得故人吟案側  
寥寥先有夢魂通

燕然日日荷戈馳苦憶孤蓬聽雨時何幸望湖亭外路

阻風中酒更題詩

偶成

俗儒不知古亦復不識今喜作經世書何異聾與瘖聖  
人旨昭昭不向六籍尋沉埋語錄中痼疾旣已深事故  
紛疊來隨俗而浮沉仍然嗤老莊又復哂向歆一册挾  
兔園更詡工詠吟遐哉鍾子期何可託賞音  
阻風二日隨地泊舟率書所見四首

昨宿吳淞營今宿海虞鎮官塘咫尺不得近且向波心  
候風信雪花夜半縱復橫一燈如豆寐不成老龍窗外  
欠伸立來聽五夜吟詩聲

一村無十家屋背皆黃蘆村前村後集釣徒衣食總靠  
門前湖大魚網得愁無法倔強先將石砧壓魚多市遠  
不值錢時割銀鱗飼花鴨

人蹤旣已稀犬吠亦不聞舟移一村復一村對面忽迫  
前朝墳荒碑半埋難卒讀落月正懸墳上屋多年翁仲  
欲出行石馬石羊爭尾逐

一舟依魚梁一舟衝蟹筍鴉巢紛披鵲巢亂風急船船  
欲登岸清晨糴米路復遙蠟屐險欲經危橋船窗飽飯

無一事行客水鳥皆無聊

山村雜咏

殘冬已見蟄蟲蘓書暖無人詣酒壚看徧市橋春帖于  
家家都已寫神荼

豬欄鴨柵護偏牢柴積先逾屋脊高一事轉驚除夕近

堆盤春餅襯年饒

蠻方聞未息烽煙

近聞廣東復有會匪蠢動

造物恩于此地偏但得

臘頭三寸雪江村又可卜豐年

江鄉歷盡更山場蝦菜都看入市忙曉日淡黃天淡墨

竹梢先已逗春光

自吳江歸取道宜興舟次值同年邢大令澍話舊卽席

賦贈

前年西子湖同訪孤山鶴

戊午冬仲在西湖把晤

今年鼓歸棹值

子鷗波閣我行萬里歸兩年君官一縣還未遷卽今大

吏舉尤異鞍馬結束行朝天官舟初停我亦泊意外值

君殊錯愕山陰踏雪訪安道西陵遇風獻康樂分張久

已慨班尹同泛近看連李郭君才轉以繁劇進我境苦

從憂患縛吟詩不已復著書

君前著全秦藝文錄近又欲緝宋會要官齋聚書至

三萬卷多有藏書家所無者

萬卷總爲秦風儲精心復緝宋會要俗

吏百輩誰得如邇來述作殊難說往往著書成頃刻惟

君畢力究經史餘事猶能及金石家山憶在古隴西

在階

近聞尙未歇鼓輦秦川之中血沒腕白日已有妖

禽啼怪君語及顏色慘日日心馳到關陝飛書走檄君  
最憤殺賊持刀我尤敢瀕行索我輿地編我今學業荒  
可憐投荒來去絕吟咏卽有亦不如年前昨來歷徧甘  
涼肅荒翳從誰借書讀河西子弟多才俊健筆尙須資  
卷軸君駝萬卷歸秦階可作隴右藏書家開門看山閉  
門讀課子暇日還呀啞妖氛銷盡山容爽隴底平平亦  
如掌秦中山川我神往挈杖來遊異時儻

夜泊

忽風忽雨入黃昏繫艇聊從古樹根五夜單衾驚驟冷  
卅年舊夢喜重溫荒途似訝非人境密意憑誰寄鬼門  
我已傷心不能說更聽鈴鐸語荒村

十二月十八日吳祠部蔚光招同邵聖藝封君孫原湘

席世昌邵三孝廉雅集小湖田館卽席分賦

小湖田館值年殘難得詩人六輩閒映雪半窗聊讀書

衝泥雙屐罷登山休官未免仍憂國荒飲何曾更閉關

尤喜賊氛消咫尺符離城外戍兵還昨宿州鹽泉戍官  
滋事江蘇巡撫亦

領兵至徐州防守適聞  
事已大定兵可撤還

打冰行

船頭敲冰如憂玉船尾打冰如擊筑一冰飄來大如斛

船尾船頭手皆束北風如虎冰所憑冰面又復添層冰

嚴霜一層雪一層照耀白日初東升枯樹灣白楊渡舵

樓指點鑿冰處鼻涕先驚作冰柱

守凍雙河口竟日對錫山喜賦

平時祇覺山容峭不識玲瓏石千竅今晨看山山益奇  
九峯高處鳥不飛半宵稜稜朔風驟雪壓白雲如絮皺  
更殘缺月上嶺時雲白與雪光參差霜加濃雪增厚襯  
得空林鳥巢瘦三日凍雲難出岫

小除前一日祭詩作

過江名士渺難求温嶠居然第一流懶把黃金鑄生佛

閑栽碧玉繞新樓時于屋後築一小樓先期種竹以待升歌尙有兒能讀

斗酒先無婦可謀誰更殷勤送梨橘蔣宜人在日余夜飲歸必預備梨橘

以未經沉醉已生愁

癸亥元日影堂祀先感賦時蔣宜人亦祀

收拾全家畫裏看愁從紙上話團藥如卿又已衰成軸  
只我何時定蓋棺殘臘雪封梅蕊白五更風颺燭光寒  
朝參久罷朝衣典野老應知禮數寬

新正十九日趙兵備翼招同莊宮允通敏劉宮贊種之  
暨舅氏蔣檢討蘅湛貽堂雅集適同年曾運使煥過

訪遂并邀入會並詞館也兵備作三詩紀事余依律

奉荅并寄顧修撰舉莊吉士驛男謝吉士幹是集本約三君

修撰以道阻仁吉士以屬疾皆不至

堂高真認大羅天五輩飛仙一謫仙同羨玉皇香案吏

仍參絳縣老人年檢討舅氏以年過八十已甘名士稱龍尾里中

同館余曾與將軍導馬前余謫成伊犁將軍每出多使余前馬今日蓬瀛

重預會尙疑枚乘是張騫

一院陰陰覆薜蘿清談原不沸笙歌筵前客尙遲三少

修撰及座末人猶冠七科余于詞館爲後進然下距千

前輩選日早欣傳里鄙使星偏欲駐巖阿運使以公事

阻東留揚州金帶圍休羨只此梅花瑞氣多起吳門歸塗

屈指先庚與後庚兵備以庚午鄉舉余以迢迢卅載許

齊名登科記憶蕪和仲諫獵書慙馬長卿九秩乍開稱

晚進檢討舅氏年已近九十官一堂分半禮先生家風

雪窖冰天慣敢詡鑿坡世澤清先文敏謝啟有父子相

是日座上有懷孫兵備星衍復成一律卽呈諸前輩并

寄兵備

白門旅客亦詞臣却望歸帆已浹辰坐次尙虛三秘閣

飲中原擬八仙人居然皓首稱先輩同向青雲逐後塵

兩度木天高會好占他殘臘與初春前歲臘八日李廉

高會坐中同館亦有八人吳祭酒錫騏范編修來宗李

糧儲奕疇孫兵備星衍李太守堯棟張吉士溥暨余及

十三日約蔣二廷曜出東郭看迎春

今朝却喜值花辰是田梅始放花晴雪能消隔歲塵却約白雲

溪畔客試燈風裏看迎春

二十四日小窗獨坐聞慧超巨超蓮艇三上人已抵西

郭卽欲過訪喜賦

簿寒開南窗默坐若不樂忽聞三上人遠到慰離索閒  
雲西北至並落天際鶴呼童掃三徑先把長帚縛溪邊  
梅樹古細驗開與落山人庭宇窄畧復具踈鑿更生新  
作齋卷施昔名閣沿階攤坐具相與話寥廓未知江上  
艇能得幾時泊蕭然忘世味蔬止辦藜藿飲罷訪定僧  
謂天寧寺連翩出東郭  
了月方丈

二十五日雨中同三上人至紅梅閣探梅小憩

久晴既望雨久雨亦望晴街泥滑如油攜屐忽遠行一  
樓入虛無三面柏作屏沿階石後猊色帶苔蘚青中藏  
全真廬儻然誦黃庭遠挈開士來勞此道侶迎清談忽  
移時天色又已冥仙人既飛空梅蕊亦不馨

時閣後古  
梅凋落殆

盡

朔風擊衣裘難臻檣舟亭惟應梅檀香歸塗訪天寧

蔣宜人亡已百日感賦一首

生離每經年死別又百日感此泉下人時添鬢邊雪薄  
帷風乍舉暗曠燈自滅如何傷心淚先作冰柱結椒漿  
聊此奠時物爲卿設笑言猶在耳音響已終絕明明稱  
其命惘惘冀同穴行築土一坏衰年願方畢

邢大令澍松林讀書圖

作宦已十年讀書近萬卷仍然勤吏事訊讞無剩案時  
移六經筆頻寫五花判精嚴吏胥懾事事取心斷輕囂  
吳下俗近已樸而愿公餘仍泛覽官廨若經館寧惟勤  
載籍百氏悉貫串太湖三萬頃此縣實南岸旁通茗與

雲百里足漑灌官清放衙早嵐翠塞庭院挹茲清遠境  
迥異繁劇縣松青三面列竹綠四時看官賢既如此多  
士亦競勸曾聞哲人訓仕學本同貫作吏卽廢書彼或  
何足算

二月十七日早至凌江閣久憇浣梧道士爲招張高士  
鉉郭孝廉莖早梅花下小集于生淵昆仲聞信亦至  
日昃更放舟至金山駐江天寺看夕照作卽寄浣梧

道士

凌江高閣平明開橫江一鶴先飛來扉聲殷然磬聲落  
道士迎門亦如鶴修眉長爪彈素琴朔風泠泠絃上音  
張生郭生住咫尺招我花下同披襟花當爛漫人惆悵

萬事不如花未放初春閣上景亦幽春酒初濃月剛望  
于生來從第一村拜浪先復驚江豚忽然興發欲西去  
挂席日昃來山門一山遊完屐方駐樓小如船欲同住  
回瞻閣勢尙隱然却在斜陽正紅處

江天寺晚步

一曲中泠泉至此波始濶多年石蟲屨筋理已欲活豐  
碑八尺柏木韜壓岸不使鼃鼃驕青霞赤日疊絢采神  
物終須走東海

西來閣夜宿

一菴名西來圓月向東出江空遙夜永雲水四邊徹僧  
樓一一高挂空倦客似鳥投樊籠三更以後羣動息萬

夢並落蛟潭中

曉登慈壽塔

孤筇摩青蒼一塔壓白日棱棱開四牖絕頂海門出濃  
雲泮江帆不舉江北江南洗春雨高寒鐘磬已絕聲自  
在一鈴天上語

頭陀巖小憩

墻頭開鳥巢墻下出蟻垤天風飄客下已復抵石室莓  
苔青青石色赭人語依微出巖罅陰房舉火照始驚百  
歲枯僧蟄其下

方丈僧出宋蘇文忠公玉帶見示並恭讀

純皇帝御製四詩敬賦二首

八尺囊裁宋刻絲雕盤中有上清詞平生不合時宜處  
輸與團團碧玉知

七百年來步後塵乘雲遊戲任天真更從以上推前輩  
只有金貂換酒人

蓬萊謫下已多時肯向紅塵挂一絲莫笑寶山空手入  
髯翁留帶我留詩

二月廿四日程文學贊皇吉士贊寧王上舍豫招往平  
山堂探梅卽席感賦一首卽寄汪司馬端光廣西并  
近東儲明經潤書汪秀才文錦

花朝已過十餘日梅枝纔擘三兩花舍舟登岸一展眺  
令我三復悲年華浮雲變滅誰能說轉憶邗溝授經日

當時白袷諸少年，高郵金明經眼忽驚頭盡白。汪生憔悴文錦金

生死皆寓秋雨卷今久下世秋雨卷中土花紫窮邊

遠宦今何在久不得注司馬端光消息三歲不貽書一紙岡南岡北

梅花村何處可覓詩人魂他時鶯燕亦惆悵觀面已少

前時人新知雖多故知少百歲交情願相保徑草猶稀

敗葉深林禽已老雛僧小花枝映水作淺紅沿岸更潮

東南風回舟擬向虹橋歌準待四更山吐月

古意十篇奉酬范文學棠見贈作

西山望東海東海何茫茫銜此木石來力苦不自量何

補涓與埃口舌均已傷青鳥昨獻規與世期相忘

與世而相忘在我殊不敢閒居緬前哲所慕莊與黷平

生櫻世事又苦知識闇欲獻封禪書將毋近于謠

論既不可學慙亦不敢居東溟及西洋三萬里有餘一

身周其間力竭敢告劬自非覆冒恩詎返先人廬

維茲先人廬經始已卅閏感此聖善恩頻嚴義方訓童

年粗有識先戒以干進奉此庶畢生敢稍逾尺寸

妖氛昨已殄欣此海宇寧耕鑿率厥常時時詠升平兒

曹能讀書僅令畢六經留此樸魯風長爲聖人氓

河汾伊洛間風氣一何質齊俗愧未能先以訓十室故

人從政久半已遁仙佛獨善良所慕于人貴求益

波流何迢迢熠燿亦裊裊經天日月星明豈藉腐草所

悲微末質志欲燭昏曉不畏霜霰零衝寒出林杪

頻年筋力強日出逐羣動雖耕東海田時有北闕夢投  
荒獲歸骨

恩渥亦云重懷抱尺一書時時隴頭誦

平時苦諷誦暇亦窮幽尋尋源酌其流間憇嘉樹林此  
木經卅年綿綿甫成陰乃知造化功生物具苦心

仙人海上來貽我縑數尺蠹書周四角字古不能識緘  
藏何敢讀讀卽三歎息中有經世言今人豈能得

汪上舍璨自泰州枉道過訪不值卻寄一首

君居海陵倉我客江瀆祠相隔祇百里聞聲久相思故  
人昨復貽新詠聞說薄寒成小病梅花香裏倘復來同

聽茅菴六時磬

講院旁  
卽僧寺

二月晦日家太守梧招同族子瑩族孫維德小集梅花  
下用少陵示從孫濟韵見投率酬一篇卽用來韵

東風被郊原寒久氣已温冷冷踈梅花宛宛成一村窺  
檐兩三株樹古皆蟠根吾家太守賢花下羅盤殮招邀  
數宗盟情話逮日昏宗支雖已踈誼則視弟昆同登三  
榜中敢云齒末孫吾家歛之西里有通德門峩峩忠宣  
公品望自昔尊平章及簽樞畫象今尙存所願子姓賢  
違計泰與屯我頃荷戈來縱談及昆侖冰天雪窖中氊  
酪亦雜吞得預合族筵詎非

大造恩輿到酒反踈頻頻覆空樽

時久已  
節飲

閏二月朔日曾同年煥招同人至平山堂探梅歸途值

風雨漫賦一首

今年花信何太遲探梅幾及修禊時寶珠木筆絕消息  
風裏未見垂楊絲長春嶺畔花千樹綺袂紅裝出無數  
仙人間有萼綠華時綠梅數樹尤佳一湖波光飛上花花光炫  
處波光暝隔岸山容恍如病花前舉酒不得休花外時  
浮一聲磬東風吹香香乍回雨脚似妒花齊開乍開乍  
落止一日千點飛入黃金罍花香方濃酒香續消得千  
條萬條燭主人愛客客亦豪風雨何嘗敗花局一更初  
聞柔櫓聲二更分燈入北城三更濃香袖中起客夢猶  
疑殢花底

秋雨菴

溪花紅不然溪水綠無語瞳瞳日影中似有蕭蕭雨竹  
聲穿戶水到門三面皆有春人墳春人墳上梅花發烟  
露濛濛棲獨鶻

鎮海樓

一樓枕邗溝江水出其右到來東海聲已復走南牖炊  
烟十萬攢郭門窗隙下瞰千帆奔樓頭城上統如鼓風  
急三更遞江浦

江口喜遇焦山僧巨超賦贈一首

時巨超將從焦山移  
住山陰縣玉笥山方

丈

欣逢一棹入江灣與話春波浩渺間笑我轉成僧退院  
時余以性疎懶將  
辭揚州梅花講席羨君真有術移山何妨講席頻南北

更擬名區遞往還爲語若耶溪畔客忘機何似白鷗閑  
題秋海棠卷子卽贈金秀才學蓮

醉完春酒醉春茶三十才人鬢欲華滿砌海棠雙瘦影

時君已兩次悼亡  
僅攜一姬寓維揚傷心人看斷腸花

江左孫郎最少年每吟詩輒問青天君詩筆絕似吾友  
孫君星行少時

此才只有君堪替合跨茅龍統衆仙

初至梅花書院

橫舍東西竹柏林暫停行笈事披尋二分明月三生夢  
萬樹梅花一客吟閱世更須堅晚節傳經先已負初心  
枕流漱石吾寧敢且與同堂惜寸陰

史閣部祠

尙餘坏土枕荒汀冢樹蕭蕭戰血腥末路愁呼大丞相  
初心思挽小朝廷時危未可無安石事去先驚有隕星  
擬把烏金鑄螭馬程番與阮懷寧

清明日招同人各攜一壺一碟至蟻舟亭小集酒半崔  
三景侃以事先去餘十五人並至月午始歸分韻得

闕字

十五地上人十五天上月花初紅欲膩月正圓不缺相  
招花下飲佳節興超忽空濛柳絲外水綠鑑毛髮閑汀  
三五轉怒草生鬱勃亭亭辛夷花香氣盈十笏盤飧隨  
所見各各辨嗟咄無愁觴欲罄門外酒旗揭人生歡會  
少半又感存歿黃生景仁久埋玉莊叟實書二人皆  
昔時同遊者又歸

骨神仙吾嬾學肯事禪窟餘生益踈懶久已罷干謁  
惟餘花月夜往往興孤發客來常不速客去亦倉猝崔  
生逃席半瘦影竄林樾追之不能到足滑致顛蹶其餘  
凡幾輩杯底任泪没天空亭月午清響益踈越空明無  
障礙醉影自突兀終當跨茅龍矯焉歸玉闕  
舟行

一道溪流之字斜阻風阻雨路尤賒桺絲綠入船艙內  
爲泊橋頭賣酒家

泊楊家港

小樓三面花光顯分半紅深半紅淺濛濛三日春雨絲  
浸得鶉鴝巢半偃沿堦細艸三兩叢艸心更比花心紅

一雙燕子乍前卻似怨簾角西南風

過三塔蕩

花光照夜都無隙帆底畧聞香氣息三層簾外軟東風  
開到桃花已無力紅窗一扇紗斜破夢裏驚聞紙鳶墮  
湖波添得尺五寬胡蝶驕蕙飛不過

抵銀林埧

溪流南北都如箭風急爭飛萬花片愁看上埧亘高渟  
不使中江走陽羨沿溪水瘦湖水肥水影分上征人衣  
一帆如龍忽東去劈浪欲上桃花堤

渡小南湖

南湖雖小卅里周水面亦復分三州濤聲忽濺柁樓上

掛席風急知難收  
舟輕半日穿湖罇  
雲氣青紅不知夜  
鷓鴣方欲飛入雲  
激電正穿雲  
脇下

廿一日抵宣城偕凌教授廷堪戴孝廉揚輝暨蔣表姪  
德培至城南看桃花值雨

此花綻日征帆開  
看花直到宣城來  
泥中處處留鴻爪  
花笑征人在家少  
官河一路春雨絲  
嫩寒莫厭花開遲  
紅紅白白競顏色  
敬亭山放朝晴時  
山雲青黃水雲墨  
襯得此花成  
五色看花人憶卅年前  
花亦嫣然念疇昔  
城頭細草已若麻  
坡底正謝紅山查  
固知地氣輸不盡  
餘力尙放山鵲花  
雨聲蕭蕭走西街  
多半春陰壓衣重  
幽人過曉尙未醒  
小閣三層結春夢

蘭石桓太常墓

古戰場邊置古祠  
祠旁荒冢柏參差  
猶疑上厠銜刀讖  
想見櫻城伏節時  
一瓣心香留故治  
萬年遺臭付佳兒  
孝侯生札克生勁  
天道從來未可知

重至洋川書院

依然林鳥喚春風  
三面晴窗落采虹  
採藥僮歸青嶂外  
著書人老白雲中  
東山未肯隨安石  
北海憑誰問孔融  
衰病漸將忘世事  
經旬不更展郵筒

山居雜詠

白露零有影  
白雲流有聲  
靜中一相值  
倍覺幽興生  
我欲過石橋  
眺此殘月明  
行穿竹柏中  
踈鐘已三更  
空際

飛瀑來忽向足底橫

一月不出門驚筍折衣架偶然窺北牖竹密已無罅山  
中春仲月氣已若長夏生徒增日課所幸仍有暇意欲  
校道書間從佛樓借

樓居一何高高出雲百丈樓前芳草地一片綠如掌攜  
燈坐深宵空此一一想竹梢穿入牖坐久不獲仰破曉  
山鵲鳴官蛙始停響

我從居山中不復關世事所苦剝啄聲郵筒有時至經  
旬及逾月排案已鱗次預擬欲別山從頭一披視案塵  
僮不拂聊用一相試此僮有機心不遣案旁侍

受業呂培校字  
譚正治

